



AUTORIDADE ADUANEIRA

Instrusaun Administrativu husi Komisariu



Padraun Prosedimentu Operasionál (PPO) ba:

“Prosesu Liberasaun Importasaun Simplifikadu iha Portu Baia Tíbar - 2022”

PPO ida ne'e substitui PPO #19 aprova iha 26 Maiu 2021 no PPO # 116 aprova iha 19 Agustu 2022

Numeru PPO 118 iha 7 / 10 / 2022

Konteudu Tabela

1. Titulu Padraun Prosedimentu Operasionál.....	4
2. Ámbitu	4
3. Autorizasaun	4
4. Objetivu.....	4
5. Kumpri tuir Padraun Nasionál ho Internasionál.....	5
6. Integrasaun ho Ajensia Governu nian Seluk (AGS)	6
7. Lejislasaun Aplikavel	6
8. Validade no Alterasaun	9
9. Na'in ba Prosedimentu	9
10. Implementasaun ba Prosedimentu ida ne'e.....	10
11. Kumpri Ba Prosedimentu ida ne'e	10
12. Minimú Dokumentu Apoiu No/Ka Rekijitu sira seluk	10
13. Prosesu Narrativu	12
Faze 1: Rejistrasaun Manifestu	12
Faze 2: Broker Submete DAU no Dokumentu Apoiu, Rejistrasaun no	12
Auto-Avaliasaun	12
Faze 3: Liña Verde /Azul.....	13
Faze 3a: Liña Kinur – Ezaminasaun Dokumentariu iha CREP	14
Faze 3b: Verikasaun Dokumentariu Liña Mean	16
Faze 3c: Ezaminasaun Fiziku Liña Mean	18
Faze 4: Pagamentu Impostu no Taxa iha Banku ne'ebe Autoriza ona.....	21
Faze 5. Prosedimentu Gate Out no Validasaun	22
14. PROSESU FLUXUGRAMA	24
15. Aprovasaun husi Komisariu, Diretiva no Dizeminasan.....	27
16. Rejistu Alterasaun PPO	28



PARTE A: INTRODUSAUN PPO

1. Títulu Padraun Prosedimentu Operasionál (PPO)
2. Ámbitu
3. Autorizasaun
4. Objetivu
5. Kumpri tuir Padraun Nasionál ho Internasionál
6. Integrasaun ho Ajensia Governu nian Seluk (AGS)
7. Lejislasaun Aplikavel
8. Validade no Alterasaun
9. Na'in ba Prosedimentu
10. Implementasaun ba Prosedimentu ida ne'e
11. Kumpri Ba Prosedimentu Ida Ne'e
12. Minimu Dokumentu Apoiu No/Ka Rekizitu sira seluk

1. TITULU PADRAUN PROSEDIMENTU OPERASIONAL

Padraun Prosedimentu Operasionál ida ne'e (PPO) ofisiálmente sei rekoñese nu'udar:

"Prosesu Liberasaun Importasaun Simplifikadu iha Portu Tibar – 2022"

PPO foun ida ne'e substitui PPO Liberasaun Importasaun anterior hot-hotu no inklui numeru alterasaun ba PPO anterior #19 ne'ebe aprova iha 26 Maiu 2021 no PPO #116 iha 19 Agustu 2022. Mudansa hirak ne'e refleta iha narrativa prosesu no fluxograma iha dokumentu ne'e iha okos.

2. ÁMBITU

PPO ida ne'e limita ba aspeitu Prosedural husi prosesu liberasaun ba importasaun simplifikadu aplikavel ba sasan sira ne'ebe to'o mai liu husi tasi iha Portu Baia Tibar no sasan sira komersial- laos pasajeiru sira nia bagajen - ho valor US\$1,000 ba leten to'o mai iha Aeroportu, no sasan sira komersial to'o iha Eskritoriu Postu Dili.

3. AUTORIZASAUN

PPO ida ne'e Autoriza husi Komisariu Autoridade Aduaneiru haktuir iha provizaun sira tuir mai ne'e:

- a) Lei Organiku Alfândega, Dekretu Lei 2/2020 husi 8 Janeiru 2020, Kapitolu III Estrutura Organiku, Seksaun 1 Orgaun, Artigu 9 (1c) "Komisariu husi Autoridade Aduaneiru", ne'ebe permiti Komisariu atu: *aprova regra administrativu no/ka instrusaun sira nesesariu ba Operasaun Autoridade Aduaneiru, inklui aplikasaun lejislasaun Alfândega*".

4. OBJETIVU

Objetivu husi PPO ida ne'e atu fornese instrusaun klaru kona-ba:

- a) Oinsa Eskritoriu Servisu Liberasaun Integradu (ESLI) iha Diresaun Nasionál Jestaun Konformidade Alfândega sei responsavel ba no sei hala'o funsaun barak kona-ba liberasaun importasaun, ezeptu ba:
 - Ezaminasaun Fiziku ba sasan sira husi funsionariu ezaminasaun ne'ebe designadu automatikamente husi Diresaun Nasionál Operasaun (DNO) Portu Baia Tibar;
 - Pagamentu ba impostu, taxa no kustu sira Alfândega iha Banku ne'ebe autoriza ona;
 - Fo sai Release Order;
 - Kontrolu no Validasaun ba prosesu Gate Out.

- b) Oinsa funsionariu sira atu hala'o kada servisu iha prosesu liberaun importasaun, hahu husi simu Deklarasaun Sasan husi Alfândega liu husi fo sai numeru registrasaun uniku, to'o unidade sasan ka kargo sai ona husi Alfândega nia area kontrolu, hafoin kompleta pagamentu impostu sira, taxa no/ka pagamentu sira seluk;
- c) Oinsa maioria faze prosedural tenki realiza liu husi sistema Alfândega ASYCUDA World (AW), partikularmente evita rejistu esternal manuál ba kualker tipu;
- d) Oinsa mak deklarante ka ninia representante sei halo interasaun ho Alfândega durante prosesu liberaun ba importasaun, inklui ninia obrigasaun sira atu fornese informasaun adisional, bainhira nesesariu;
- e) Oinsa pagamentu ba impostu, taxa, penalidade no kustu sira sei selu uza metodu ne'ebe atualmente disponivel liu husi *cash* ka transferensia internál iha postu BNU ka BNCTL ne'ebe autoriza ona; no
- f) Oinsa sasan sira hetan liberaun husi ekipa Kontrolu Kargo Alfândega iha Portu Tibar;
- g) Oinsa sasan sira ne'ebe atu sai, sei autoriza no valida eletronicamente iha Gate Out husi Operador Portu.
- h) Integrasaun liutan ho Ajensia Governu nian seluk no setor Emprezarial kona-ba Prosedimentu Liberaun

5. KUMPRI TUIR PADRAUN NASIONAL HO INTERNASIONAL

Funsaun Integrasaun Eletronicu ba importasaun /liberaun hotu-hotu sei ajuda Alfândega no GoTL atu kumpri ba:

- a) **Dekretu lei 2/2020 (Estrutura Organizasionál AA) Artigu 4, 1(d) katak:**

Inklui prinsipiu organizasaun husi flexibilidade organizasional;

- b) **OMA Konvensaun Kyoto Revizadu (KKR):**

Anexu Jeral, Kapitulu 3, "Liberaun no Formalidade seluk Alfândega nian", Padraun 3.1 to'o 3.45. Partikularmente, Padraun 3.25 ne'ebe kobre alozamentu anterior no registrasaun deklarasaun sasan (DAU) ne'ebe Alfândega tenki implementa iha futuru mai;

- c) **Akordu Fasilitasaun Komersiu OMK (Bali, 2013) partikularmente relasiona ba:**

Artigu 7, "Hasai no Liberaun Sasan";

- i.) Prosesu Pre Xegada (*seidauk implementa*);
- ii.) Fo sai separasaun (Exit Note) husi determinasaun final ba Alfândega nia impostu, taxa, kustu (*seidauk implementa*);
- iii.) Jestaun Risku (*Implementa ona*);
- iv.) Postu Auditoria Liberaun (*implementa ona, nu'udar auditoria meza*);

- v.) Estabelesimentu no publikasaun tempu Liberasaun (*seidauk implementa*);
- vi.) Medida facilidade komersiu ba operador/komersiante autorizadu (*seidauk implementa*);
- vii.) Haruka lalais/aseleradu – koreiu aeru (parsialmente implementa ona iha Aeroportu)
- viii.) Sasan sira ne'ebe facil atu a'at (dadaun ne'e, prosedimentu manual ba kada kazu):

Artigu 8. Kooperasaun Ajensia Fronteira

- i.) Atu asegura katak Alfândega no ajensia sira seluk responsavel ba kontrolu iha fronteira no prosedimentu importasaun no esportasaun koopera ba malu no ***koordena sira nia atividade atu facilita komersiu.***

Artigu 9. Movimentu Sasan sira iha Kontrolu Alfândega pertense ba Importasaun

- i.) Kada membru tenki, ba medida ne'ebe pratiku, fornese rekeztu regulatoriu hot-hotu ne'ebe atinji, permiti sasan pertense ba importasaun atu muda iha teritoriu laran iha kontrolu Alfândega husi ***eskritoriu entrada Alfândega ba eskritoriu Alfândega nian seluk iha nia teritoriu husi fatin ne'be sasan sira bele libera ka hasai.***

6. INTEGRASAUN HO AJENSIA GOVERNU NIAN SELUK (AGS)

Funsaun liberasaun Integrasaun ba Alfândega no ajensia governu nian seluk (AGS), sai nu'udar prosesu úniku ida, ne'e mak pratika diak ida ba mundu tomak, desde administrativu Alfândega iha nasaun dezvoltadu sira dezvoltave no implementa ona prosesu liberasaun ho tipu ida ne'e, nu'udar xave importante ida ba simplifikasaun, de-birokratizasaun, no facilidade komersiu.

Iha ambiente nasional, Ajensia Governu nian Seluk (AGS) ne'ebe participa iha prosesu liberasaun Alfândega, Autoridade Aduaneiru implementa estratejia rua:

- fornese Ajensia Governu nian Seluk asesu ba AW kona-ba komputador iha postu Alfândega Portu Tibar, bainhira sira hahu participa iha prosesu elektroniku AW
- dezvoltave perfil risku kona-ba sira nia risku prinsipal, bazea ba lista inisial baziku ne'ebe fornese husi partisipasaun AGS (iha faze ida ne'e, Ministru Saude, Ministru Transporte no Sekretariu Estadu Ambiente -redusaun substansia Ozonio)
- partisipasaun iha eskema TileSW atu automatiza prosesu no prosedimentu sira iha AW.

7. LEJISLASAUN APLIKAVEL

Lejislasaun tuir mai aplika ba prosedimentu ida ne'e.

A. Estrutura Organiku husi Autoridade Aduaneiru, DL 2/2020, 8 Janeiro

Artigu 9, 1c: Poder husi Komisariu atu "aprova regra administrativu no/ka instrusaun administrativu sira"

B. Dekretu Lei Kodigu Alfândega 14/2017 – 5 Abril 2017

Provizaun espesifiku mak hanesan tuir mai ne'e:

- a) Artigu 108, paragrafu 1 no 4. – apresenta kopia manifestu elektroniku minimum oras 48 molok data xegada iha entrada Portu.
- b) Artigu 138, paragrafu 1 no 2. – Fatin rai sasan obrigatoriu tuir rejime Alfândega durante loron 30 (to'o mai liu husi tasi) ka loron 20 (to'o mai liu husi aeru ka rai);
- c) Artigu 139, paragrafu 1 no 2. – Sasan iha fatin rai sasan temporariu, fatin ne'ebe autoriza ona hodi hein atu prosesu tuir rejime Alfândega;
- d) Artigu 139, paragrafu 4. – Pesoál ne'ebe hasai sasan husi Alfândega nia area kontrolu molok autorizasaun sai sei sujeitu ba penalidade administrativu;
- e) Artigu 142, paragrafu 2, karta (c). – Sasan iha fatin rai sasan temporariu konsidera abandona ona ba Estadu, karik sira la hasai husi Alfândega nia area kontrolu durante loron 5 hahu husi loron liberaun;

Nota. – Liberasaun ne'e sei implementa husi Alfândega ne'ebe fo sai Release Order AW no Exit Note ne'ebe fo sai husi APORTIL, hafoin simu tiha pagamentu iha BNU no hatama ba Modulu Kontabilidade AW.

f) Artigu 155, paragrafu 1 to'o 3. – Espesifika katak:

- Deklarasaun eletronika Alfândega signifika katak transmisaun elektroniku ba Alfândega kona-ba detallu hotu ka dadus nesesariu atu aplika rejime Alfândega; no
- Kodigu identifikasaun ne'ebe deziñadu ba deklarante ba identifikasaun taxa objetivu mak atu konsidera nu'udar assinatura eletronika ida.

g) Artigu 156, paragrafu 1 to'o 5. – Fo detaliu dokumentu sira ne'ebe nesesariu atu anexa ba iha deklarasaun Alfândega, hanesan:

- Fatura komersial ho deskrisaun jeral kona-ba sasan;
- Dokumentu sira nesesariu atu aplika rejime tarifa preferensial ka kualker medida seluk ne'ebe a'as liu rejime jeral aplikavel ba sasan sira ne'ebe deklar,
- Sertifikadu Saude, fitosanitaria no kualidade ka seluk-seluk tan (karik aplikavel)
- Dokumentu kona-ba transporte ka rejime Alfândega anterior.

Nota 1. – Wainhira kria ona deklarasaun eletronikamente, dokumentu sira mensiona iha leten submete iha periodu maximu durante oras 24, hafoin submete deklarasaun.

Nota 2. – Fo atensaun ba artigu 81 kona-ba kodigo Alfândega indika liutan katak

“ba objetivu lei Alfândega, karik pesoál ida apresenta ka submete dokumentu ka pagamentu iha formatu eletróniku liu husi Sistema Informasaun haktuir ba kondisaun ne’ebe prevista ona, dokumentu ka pagamentu refere konsidera apresenta ka fornese bazea ba data no fatin ne’ebe lei determina ona”

- h) Artigu 157, paragrafu 1.- Tenki submete Alfândega deklarasaun Alfândega iha area Alfândega ne’ebe sasan sira to’o mai;
- i) Artigu 157, paragrafu 2.- Bele submete deklarasaun Alfândega durante oras rua nulu resin-haat (24) molok sasan sira to’o mai;
- j) Artigu 158, paragrafu 1 no 2.- Alfândega nia deklarasaun ne’e kesi/vinkuladu ba deklarante ka ninia representante en termu de:
 - Presisaun/Lolos,
 - Autentisidade kona-ba dokumentu sira ne’ebe Anexu, no
 - Kumpri ba obrigasaun hotu-hotu ne’ebe asosiadu ho rai sasan tuir rejime ne’ebe deklarara;
- k) Artigu 158, paragrafu 3. Alfândega nia deklarasaun ne’ebe kria liu husi meius elektroniku signifika katak haruka bainhira Alfândega simu ona mensajen, ne’ebe ho meius hanesan, konsidera simu;
- l) Artigu 159, paragrafu 1 to’o 4.- simu deklarasaun Alfândega bainhira formatu no dokumentu apoiu hotu-hotu prénxe ona rekijitu, oras no data simu no fo sai numeru registrasaun uniku, no efeitu legál kona-ba aseitasaun ida ne’e;
- m) Artigu 160, paragrafu 1 to’o 3.- Alterasaun no substituisaun kona-ba deklarasaun Alfândega molok hahu prosesu liberaasaun;
- n) Artigu 161, paragrafu 1 to’o 3.- kanselasaun ba deklarasaun Alfândega bazea ba pedidu husi deklarante;
- o) Artigu 162.- Verifikasaun no revista kona-ba deklarasaun Alfândega;
- p) Artigu 163, paragrafu 1 to 3.- Avaliasaun kona-ba Deklarasaun Alfândega;
- q) Artigu 164, paragrafu 1 to 9.- Notifikasaun ba bróker/deklarante ba inspesaun fiziku ba sasan sira no Alfândega kontínu ho inspesaun karik bróker/deklarante lakoi atu atende;
- r) Artigu 165, paragrafu 1 to’o 4.- oras no fatin ba ezaminasaun Alfândega no kordenasaun ho Ajensia Governu nian Seluk (AGS) ba se mak presija atu halo kontrola partikular ba sasan sira;
- s) Artigu 385, paragrafu 2.- Ba kalkulasaun prazu limitasaun tempu iha Kodigu ida ne’e, mensiona kualker loron signifika katak “loron servisu”.

8. VALIDADE NO ALTERASAUN

PPO ne'e tama iha vigor iha loron ne'ebe Komisariu asina iha **Seksaun 15** husi PPO ida ne'e. Iha mudansa ka alterasaun ruma ba PPO ida ne'e tenki hetan aprovasaun husi Komisariu, no tenki atualiza ho lolos PPO no sirkula ba pesoál Alfândega relevante.

9. NA'IN BA PROSEDIMENTU

Prosedimentu nia Na'in mak Diretor Jeral Nasionál Jestaun Konformidade Alfândega (DNJKA), ho kooperasaun besik ho Sub-Diretur Operasaun Munisipal , Portu Baia Tibar (DOM), ne'ebe sei responsavel ba:

- a) Implementasaun no padraun aplikasaun kona-ba provizaun sira hotu iha PPO ida ne'e, Alfândega nia area hotu iha ninia kontrolu;
- b) Asegura katak Diretor Nasionál Operasaun fo instrusaun ba Diretor Operasaun Alfândega Portu Baia Tibar no funsionariu ezaminaun atu kumpri kompletu PPO ida ne'e;
- c) Asegura katak funsionariu sira iha area operasionál ne'ebe iha ninia kontrolu no Operasaun Portu Baia Tibar hetan asesu kopia eskrita ka elektroniku PPO ida ne'e;
- d) Asegura katak funsionariu sira iha area operasionál iha ninia kontrolu – CREP, Armazenamentu Alfândega– no Funsionariu sira husi Ezaminaun Fiziku iha Portu Baia Tibar, AeroPortu Baia Tibar, no iha kualker area Ezaminaun Fiziku, simu ona formasauun apropiadu kona-ba oinsa atu aplika PPO ida ne'e;
- e) Hetan no apresenta relatoriu fulan ba Komisariu iha:
 - Númeru DAU Importasaun IM4, DAU Esportasaun, no DAU IM7 libera husi armazen;
 - Diriji númeru DAU Importasaun IM4 ba,
 - Liña Verde,
 - Liña Azul,
 - Liña Kinur no
 - Liña Mean
 - Selesaun rezultadu penalidade husi númeru Liña Mean no Kinur;
 - Total tempu Liberasaun: husi registrasaun DAU to'o validasaun DAU Exit Note.Tenki submete Relatoriu fulan ba Komisariu kada fulan iha loron 5 dahuluk, ba fulan kotuk nian.

- f) Foti medida koretiva karik la kumpri ba PPO ida ne'e; no

- g) Proposta ba Komisariu, kona-ba kualker mudansa ka alterasaun ba PPO ida ne'e bainhira sirkumtansia operasional ejiji los.

10. IMPLEMENTASAUN BA PROSEDIMENTU IDA NE'E

Prosedimentu ida ne'e tenki aplika no implementa husi membru funsionariu Alfândega hotu, inklui maibe la limita ba:

- a) Funsionariu hotu ne'ebe servisu iha Postu Integradu Servisu Liberasaun (CREP); no
- b) Funsionariu hotu husi Diresaun Nasional Operasaun ne'ebe servisu iha Portu Baia Tibar,

11. KUMPRI BA PROSEDIMENTU IDA NE'E

Parte hotu-hotu tenki kumpri ho rigorozui ba prosedimentu ida ne'e no iha tempu hot-hotu. Faila atu kumpri provizaun sira kontein ona iha PPO ida ne'e inklui, maibe laos tenki limita ba:

- a) Funsionariu Alfândega: Asaun disiplinariu, husi suspensaun sein halo pagamentu salariu ba demisaun, ka asaun kastigu seluk ne'ebe foti hasoru ita'';
- b) Broker Alfândega: husi blokeu temporariu ita nia asesu ba ASYCUDA World, to'o hasai ita nia lisensa hodi halo operasaun nu'udar Broker Alfândega husi Autoridade Aduaneiru;
- c) Importador/Komersiante: Aplikasaun penalidade administrativu no/ka hahu foti prosesu kriminal hasoru ita.

12. MINIMU DOKUMENTU APOIU NO/KA REKIJITU SIRA SELUK

Broker/deklarante tenki hatama eletronikamente kualker dokumentu apoiu ne'ebe nesesariu ba iha AW. Laiha hard copy DAU ka dokumentu apoiu ne'ebe persija atu submete no sei la aseita.

Dokumentu sira tuir mai, ne'ebe hatama ona eletronikamente, tenki apresenta iha kazu sira hotu:

- a) Fatura Komersial (Fatura pro-forma sei la aseita).
- b) Lista Embalajen/Packing List

Iha kazu balu, dokumentu adisionál sira karik presiza atu kompleta rekejitu regulatoriu espesifiku. Ida ne'e sei inklui, maibe la limita ba kopia elektroniku ida husi:

- a) Permisaun no/ka lisensa husi Ajensia Governu ka Ministeriu relevante;
- b) Dokumentu apoiu hodi prosesa sasan sira ba ne'ebe ezempsaun husi servisu taxa ida ne'ebe reklama; no

PARTE B: PROSEDIMENTU DETALLU SIRA

13. Padraun Prosedimentu Operasionál (PPO) Narrativu
14. Prosesu Funsional Fluxugrama Kruzadu
15. Komisariu nia Aprovasaun, Diretiva no Dizeminaasaun
16. Rejistu Alterasaun PPO

Anexu 1

13. PROSESU NARRATIVU

PPO ida ne'e fahe ba faze prinsipal diferente Lima (5), ne'ebe deskreve detallu tuir mai iha kraik.

AA kompromete atu aplika jestaun risku bazea ba metodolojia ba atividade operasionál sira. Karik identifika diferensia ruma wainhira implementa faze 3 (detallu iha okos), ka iha kualker tempu durante aplika prosedimentu ida ne'e, funsionariu ne'ebe atende kazu hanesan ne'e tenki relata sira nia deskobrimentu ba Departamentu Jestaun Risku. Karik apropiadu atu halo duni, ida ne'e tenki inklui funsionariu nia esbosu no submete Pedidu Prefil ASYCUDA utiliza formatu APR 1.

FAZE 1: REJISTRASAUN MANIFESTU

1. Manifestu Kargo

Sei submete no rejistu kargo manifestu iha sistema AW liu husi liña konsignasaun.

Sistema AW automatikamente sei adianta manifestu ne'ebe simu ona ba operasaun Portu Baia Tibar

2. Rejistrasaun DAU

Broker bele rejistu DAU iha sistema AW iha pontu ida Manifestu Kargo rejistu ona iha sistema AW.

FAZE 2: BROKER SUBMETE DAU NO DOKUMENTU APOIU, REJISTRASAUN NO

AUTO-AVALIASAUN

Broker/deklarante mak responsavel atu kria no submete deklarasaun Alfândega (DAU) ba AW no dokumentu apoiu sira, no atu prosesa ida ne'e nia tenki kumpri etapa sira ne'ebe subliña iha okos atu atinji pontu kritikál legal husi "Rejistrasaun":

1. Submete informasaun relevante iha DAU ho lolos ba ASYCUDA World (AW), hafoin Scan no submete kopia dokumentasaun apoiu hot-hotu ne'ebe klaru no elijivel atu le'e;
2. Hanehan opsaun "Verifika" iha AW hodi deteta kualker komentariu, konsistensia ka validasaun erru sira, hadia ne'ebe nesesariu no "Verifika" tan atu asegura alterasaun sira rejistu ona;
3. Hanehan opsaun "Avaliasaun" iha AW;

AW sei responde ho "Numeru Rejistrasaun" no sei indika selektividade liu husi diriji DAU ba iha Liña ida husi liña diferente haat: Mean; Kinur; Azul ka Verde. AW mos sei haruka sistema email automatiku ba broker/deklarante ne'ebe autoriza ona hodi indika katak DAU ne'e "Rejistu ona".

Tarefa Faze Kritiku	Sé mak involve	Impaktu
1. Submete detallu DAU iha AW	• Broker/deklarante • Prosesu elektroniku AW	Detekta Dadus DAU iha AW
2. Koko atu "Avalia" DAU husi Broker/Deklarante	• Broker/deklarante • Prosesu elektroniku AW	Fo sai DAU "Nr Rejistrasaun" Ativa Seletividade AW

Husi ne'e ba oin, faze sira tuir mai iha prosesu jerál sei la hanesan uitoan husi kada liña.

FAZE 3: LIÑA VERDE /AZUL

DAU sira ne'ebe diriji ba liña Verde ka Azul iha prosesu badak ida ne'ebe lalais, hanesan tuir mai ne'e

- Karik DAU ida diriji ba Liña Verde ka Azul, AW sei hasai "**Numeru Avaliasaun**" no sei haruka mensajen sistema automatiku ba broker/deklarante autorizadu indika katak DAU hetan "**Avalia**";
- Avaliasaun DAU Liña Verde bele hasai sein halo kualker ezaminaun tan;
- Avaliasaun DAU Liña Azul bele hasai sein halo kualker verifikasaun dokumentariu ka Ezaminaun Fiziku tan durante liberaun, maibe sujeitu ba kontrolu postu liberaun (*);

(*) **Nota:** Alfândega bele halo Kontrolu Pós Liberaun iha tinan 5 nia laran husi avaliasaun DAU orijinal

Ba DAU sira Liña VERDE no AZUL, Broker/Deklarante simu estatutu mensajen AW "**Avalia**" no kopia PDF ida husi Assessment Notice AW (AN) atu kontinua ba pagamentu impostu/ taxa iha banku ne'ebe autoriza ona (BNU ka BNCTL)

DAU sira Liña Verde/Azul **la verifika ka apresenta** iha elektroniku ka iha *hard copy* ba CREP no tanba ne'e bele kontinua ba faze 4 iha prosesu elektroniku: "**Pagamentu ba impostu no Taxa**" iha Banku ne'ebe autoriza ona.

Tarefa Faze Kritiku	Sé mak Involve	Impaktu
1. Ativa seletividade AW Liña - Verde/Azul Avalia	• Prosesa Elektroniku AW	• Fo sai "Nr Avaliasaun"; • Haruka Nota Avaliasaun PDF ba broker/deklarante; • Estatutu mensajen AW ba broker/deklarante; • Laiha tan revista durante liberaun; • Bele kontinua ba pagamentu impostu/ taxa

DAU SIRA LIÑA KINUR NO MEAN HARÉ IHA FAZE 3a, ka 3b.

FAZE 3A: LIÑA KINUR – EZAMINASAUN DOKUMENTARIU IHA CREP

Selektividade AW – iha kazu ida ne'e, diriji DAU ba liña Kinur – sei ativa "Alokasaun Automatiku ba Ezaminador" iha AW no prosesu sei kontinua iha CREP, ho tarefa sira tuir mai (numeru tarefa kontinua husi Faze 2-Nr 3):

Ezaminasaun dokumentariu tenki hahu lalais liu bainhira DAU fo ba funsionariu CREP. Ida ne'e prosedimentu elektroniku no laiha rekerimentu kona-ba *hard copy* DAU nian no dokumentu apoiu atu apresenta ba Alfândega no uza atu kompleta prosesu ida ne'e.

4a. Iha CREP, Funsionariu ne'ebe servisu ba Verifikasaun Dokumentariu (**Kinur**) automatikamente simu notifikasaun eletronika AW kona-ba DAU hodi verifika. Iha tempu hanesan, broker/deklarante mos simu mensajen husi AW katak DAU refere aloka ona ba ezaminador dokumentariu partikular. Ida ne'e broker/deklarante nia responsabilidade atu verifika karik DAU refere prosesa ona.

5a. Funsionariu ne'ebe Verifika Dokumentariu sei:

- a) Identifika razaun tamba sa DAU refere hetan selesaun (prefil ka random);
- b) Identifika no halo asaun kontrolu espesifiku hanesan deskreve iha prefil AW seksaun "dokumentasaun";
- c) Konfirma katak klasifikasaun tarifa, kuantidade, todan (karik aplikavel) unidade suplementariu, tipu sasan no valor ne'ebe deklarasaun iha DAU tenki konsisten ho dokumentu apoiu (e.z. Fatura, no/ka lista embalajen, seluk);
- d) Asegura katak método Valorizasaun ne'ebe uza ne'e remata ona bazea ba Tabela 1 husi Kodigu Alfândega, Dekretu Lei 14/2007;
- e) Asegura katak kualker adisaun ka dedusaun ba Valor Alfândega rejistu ona iha Nota Valuasaun AW;
- f) Asegura katak autorizasaun ka sertifikadu husi rekijitu AGS – karik aplikavel – apresenta; no
- g) Kompleta Inspection Act AW, no hatama detallu sira husi ezaminasaun. Iha opsaun tolu:

Opsaun 1. Karik DAU "Conform", (laiha diferensia hetan iha DAU), ezaminador kompleta opsaun sira tuir mai ne'e iha AW:

- i.) Hili kaixa "**Conform**" iha Inspection Act AW,
- ii.) Marka mais ou menus padraun verifikasaun 4 ne'ebe halo ona;
- iii.) Diriji fali DAU ba **Verde**;
- iv.) **Avalia** DAU. AW fo sai **Assessment Notice** (AN) no haruka kopia PDF AA ba broker/deklarante hodi nune'e bele selu impostu no taxa. Simultaneamente, broker/deklarante simu estatutu mensajen AW "**Avalia**".

Opsaun 2. Karik DAU non-conform (iha diferensia entre dokumentu no DAU) ezaminador halo hanesan tuir mai ne'e:

- i.) Hili kaixa **"non-conform"** iha Inspection Act AW;
- ii.) Hili razaun non-konformidade husi numérikus erru /kodigo infrasaun & deskrisaun no kodigo Asaun iha Inspection Act;
- iii.) Kolia ho broker/deklarante hodi altera erru sira;
- iv.) Halo alterasaun ruma ne'ebe persija, valida alterasaun ruma;
- v.) Bazea avaliasaun, AW automatikamente hasai Notifikasaun Avaliasaun no haruka kopia PDF husi Notifikasaun Avaliasaun (AN) ba broker / deklarante hodi selu devér no impostu iha Banku Autorizadu (BNU ka BNCTL). AW haruka email automatiku ida ba broker/deklarante indika katak estatutu DAU altera ona atu **"Avalia"**.
- vi.) **Karik DAU la-kumpri** involve aplikasaun **penalidade**, hafoin submete DAU ba DNJKA (*) atu kalkula kualker penalidade, bazea ba erru/violasaun kodigo ne'ebe hili husi ezaminador. Aumenta penalidade iha AN;
- vii.) Wainhira rezolve ona **"non-conform"** no **"penalidade"** ezaminador diriji fali DAU ba Liña Verde no **avalia**

Opsaun 3. Karik DAU diriji fali husi kinur ba Mean ba Inspesaun Fiziku ezaminador tenki kompleta kaixa **"Informasaun ba Ezaminador"** atu fornese matadalan no instrusaun kona-ba saida mak persija husi ezaminasaun fiziku sasan atu klarifika diferensia ruma iha DAU ne'ebe deskobre iha verifikasaun dokumentariu. Sistema AW automatikamente sei haruka DAU ba Ezaminador Fiziku iha Portu Baia Tibar.

HARÉ IHA FAZE 4 (PAGAMENTU IMPOSTU/TAXA IHA BANKU NE'EBE AUTORIZA ONA)

Tarefa Faze Kritiku	Sé mak Involve	Impaktu
1. Hala'o ezaminasaun dokumentariu ba DAU sira Liña Kinur	• Prosesu Elektronik AW • Funsionariu CREP alokadu ba Liña Kinur	• Alokasaun automatiku husi ezaminador CREP • Estatutu mensajen AW ba broker/deklarante
2. Inspection Act – Conform, – Diriji fali ba Liña Verde no Avaliasaun	• Prosesu elektronik AW • Funsionariu CREP alokadu ba Liña Kinur	• Identifikadu Konformidade ("Conform") • Fo sai Nr. Avaliasaun • Estatutu mensajen AW ba broker/deklarante: "Avalia"
3. Inspection Act – <u>Non-Conform</u> , – DAU, tuir nesesariu – aplika penalidade – Diriji fali ba Liña Verde no Avaliasaun	• Prosesu elektronik AW • Funsionariu CREP alokadu ba Liña Kinur • Broker/deklarante	• Identifikadu Non-Konformidade ("Non-Conform") • Fo sai Nr. Avaliasaun.

		• Estatutu mensajen AW ba broker/deklarante: "Avalia"
4. Inspection Act -Not Conform Persija Inspesaun Fiziku – Alterasaun DAU karik nesesariu – Aplika penalidade karik persija – Kompleta informasaun ba Ezaminador sira – Diriji fali ba Liña Mean atu halo inspesaun	• Prosesu elektroniku AW • Funsionariu CREP alokadu ba Liña Kinur • Funsionariu Operasaun Inspesaun Fiziku • Broker/deklarante	• Identifikadu Non-Konformidade ("Non-Conform") • Liña Mean ba Inspesaun Fiziku • Estatutu mensajen AW ba broker/deklarante: "Avalia"

FAZE 3B: VERIKASAUN DOKUMENTARIU LIÑA MEAN

Objetivu dahuluk ba funsionariu ne'ebe verika dokumentariu Liña Mean iha CREP mak atu halo ezaminasaun ho detallu ba DAU no dokumentu apoiu sira, no hodi nune'e diriji fali DAU automatikamente ba ezaminador fiziku iha Portu Baia Tibar. Atu asegura klareza, tipu diferente rua husi asaun kontrolu Liña Mean hirak ne'e ne'ebe lista iha "Verifikasaun Dokumentariu" no "Ezaminasaun Fiziku" iha okos. DAU bele avalia liu husi "Funsionariu Ezaminasaun Fiziku" hafoin kompleta inspesaun sasan.

Verifikasaun dokumentariu tenki hahu lalais liu wainhira DAU fo ba iha funsionariu CREP. Ida ne'e prosedimentu eletronika ida no laiha rekeztu *hard copy* husi DAU no dokumentu apoiu atu apresenta ba Alfândega no atu uza hodi kompleta prosesu ida ne'e.

Verifikasaun dokumentariu inklui maizumenus, tarefa sira tuir mai ne'e (numeru tarefa kontinua husi Faze 1-Nr 3):

- 4b.** Iha CREP, funsionariu Verifikasaun Dokumentariu **(MEAN)** eletronikamente simu notifikasaun elektónika AW ba DAU atu verifika;
- 5b.** Funsionariu halo verifikasaun ba DAU no dokumentu apoiu, kuantidade, klasifikasaun tarifa no valor. Depende ba nia peskiza husi verifikasaun dokumentariu, ka karik DAU entrega hikas fali husi Portu Baia Tibar hafoin halo Ezaminasaun Fiziku, detallu husi ezaminasaun sei hakerek iha Inspection Act tuir maneira ida husi maneira tolu (3) ne'e:

Opsaun 1. Karik DAU "Conform", (laiha diferensia iha DAU), ezaminador kompleta funsaun sira tuir mai ne'e iha AW:

- i.) hili kaixa **"Conform"** iha Inspection Act AW;
- ii.) marka mais ou menus padraun revista 4 ne'ebe halo ona;
- iii.) Funsionariu CREP hili **"Halo ona Verifikasaun Dokumentariu"** no notifikasaun AW automatikamente diriji ba Ezaminador Liña Mean iha Portu Baia Tibar.

- iv.) Karik konsignasaun kontentor ida deit Sistema AW sei haruka mensajen automatizada ba sistema TPSA no sira sei automatikamente rekopera kontentor husi area fatin rai sasan no rai fali iha Area Inspensaun Alfândega nian.
- v.) Karik konsignasaun/remessa mak multi kontentor (rua ka liu) entaun selesaun kontentor ba inspesaun fiziku sei sai prosesu automatizadu liu husi AW ne'ebe hili aleatoriamente numeru kontentor balun husi konsignasaun. Sistema AW sei haruka mensajen automatizada ba sistema TPSA no sira sei rekopera kontentor sira husi fatin rai sasan no rai fali iha Area Kontrolu Alfândega.
- vi.) **Haré ANEXU 1 ba tabela selesaun nivel persentazen**

Opsaun 2. Karik DAU Non-Conform, (hetan diferensia entre DAU no dokumentu apoiu), ezaminador halo buat hirak tuir mai:

- iv.) hili kaixa **“non-conform”** iha Inspection Act AW;
- v.) marka razaun la-konformidade husi numérik erro/violasaun kodigu no kodigu Asaun iha Inspection Act;
- vi.) kolia ho broker/deklarante atu altera erro sira;
- vii.) Ezaminador tenki kompleta kaixa **“Instrusaun ba Ezaminador”** atu fornese matadalan no instrusaun kona-ba saida mak nesesariu husi ezaminaun fiziku ba sasan, atu klarifika diferensia ruma ne'ebe hetan iha DAU durante verifikasaun dokumentu.
- viii.) Funsionariu CREP hili **“Halo ona Verifikasaun Dokumentariu”** no notifikasaun AW automatikamente diriji ba Ezaminador Liña Mean iha Portu Baia Tibar.
- ix.) Karik konsignasaun kontentor ida deit sistema AW sei haruka mensajen automatizada ba sistema TPSA no sira sei automatikamente rekopera kontentor husi area fatin rai sasan no rai fali iha Area Inspensaun Alfândega nian.
- x.) Karik konsignasaun/remessa mak multi kontentor (rua ka liu) entaun selesaun kontentor ba inspesaun fiziku sei sai prosesu automatizadu liu husi AW ne'ebe hili aleatoriamente numeru kontentor balun husi konsignasaun/remessa. Sistema AW sei haruka mensajen automatizada ba sistema TPSA no sira sei rekopera kontentor sira husi fatin rai sasan no rai fali iha Area Kontrolu Alfândega nian.

Haré ANEXU 1 ba tabela selesaun nivel persentazen

Nota Importante:

- Funsionariu ne'ebe verifika dokumentariu (**MEAN**) la diriji fali ba Verde ka la avalia DAU iha faze ida ne'e, nune'e bele halo hafoin ezaminasaun fiziku iha Baia Tibar.
- Verifikasaun Liña Mean Kuarentena halao iha Portu Baia Tibar iha tempu hanesan Alfândega mos ezamina kontentor. Sei submete dokumentu sira manualmente iha *hard copy* husi DAU ne'ebe Broker/Deklarante submete ba Kuarentena. Kuarentena bele kompleta ezaminasaun sasan iha importador nia instalasaun hafoin kompleta liberaun Alfândega.

HARÉ IHA FAZE 3c, ETAPA 6c – Ezaminasaun Fiziku Portu Baia Tibar

Tarefa Faze Kritiku	Sé mak involve	Impaktu
1. Halo Ezaminasaun dokumentariu no fiziku ba DAU sira Liña MEAN	• Prosesu elektróniku AW • Funsionariu CREP alokadu ba Liña Mean	• Alokasaun automatiku husi ezaminador CREP • Estatutu mensajen AW ba broker/deklarante
2. Inspection Act – <u>Conform</u> , – Kompleta instrusaun ba ezaminador – Hili "Documentary Check Done"	• Prosesu elektróniku AW • Funsionariu CREP alokadu ba Liña Mean	• Idetifikadu Konformidade ("Conform") • Mensajen AW ba TPSA ba forneselementu kontentor atu halo inspesaun fiziku
3. Inspection Act – <u>Not Conform</u> , – Altera DAU karik nesesariu – Aplika penalidade – Kompleta instrusaun ba ezaminador – Hili "Documentary Check Done"	• Prosesu eletrónika AW • Funsionariu CREP alokadu ba Liña Mean • Broker/deklarante	• Identifikadu Non-konformidade ("Not Conform") • Mensajen AW ba TPSA ba forneselementu kontentor atu halo inspesaun fiziku

FAZE 3c: EZAMINASAUN FIZIKU LIÑA MEAN

Funsionariu ezaminasaun Liña Mean mak responsavel atu halo Ezaminasaun Fiziku ba konsignasaun/remmesa, iha Portu Baia Tibar. Ida ne'e sei inklui maizumenus tarefa sira tuir mai (numeru tarefa kontinua husi Faze 3b – tarefa 5b):

- 6c. AW DAU mean aloka funsionariu Ezaminasaun Fiziku ne'ebe simu email AW indika katak DAU hein hela atu halo ezaminasaun. Broker/deklarante mos simu email husi AW kona-ba ezaminasaun;

- 7c. Sistema AW sei automatikamente notifika sistema TPSA ba kontentor sira ne'ebe atu transfere husi area Portu Baia Tibar ba area inspesaun Alfândega molok Verifikasaun Dokumentu DAU kompleta ona husi CREP.
- 8c. Kontrator forneseментu kargo Portu Baia Tibar sei prepara kontentor prontos ba inspesaun.
- 9c. Molok halo ezaminasaun, ezaminador vizualiza seletividade AW razaun ho selesan DAU (prefil ka random) no vizualiza **"Instrusaun ba ezaminador"** iha prefil AW tuir **"dokumentasaun"**, nune'e mos kualker nota ka kualker Instrusaun ne'ebe halo ona husi Funsionariu Verifika Dokumentasaun iha Inspection Act atu gia Ezaminador Fiziku. Hafoin ida ne'e, ezaminador halo verifikasaun sira tuir mai ne'e:
- a) Karik remessa kontentoriza ona, entaun konfirma katak:
 - Numeru kontentor koresponde ho DAU asosiadu;
 - Selo/segel ne'ebe proteje odamatan kotuk sei tomak no livre husi sinal falsifikasaun ka manipulasaun; no
 - d) Halo ezaminasaun atu asegura sasan sira no kuantidade ne'ebe ezamina hanesan ho sira ne'ebe deklarasaun iha DAU no dokumentu apoiu.
 - e) Karik kontentor persija hili relasiona ba hirak ne'ebe hili husi sistema AW ba inspesaun fiziku, funsionariu ezaminasaun bele sujere kontentor sira ne'ebe atu produz husi area fatin rai sasan ba objetivu ida ne'e iha sistema AW.
- 10c. Hafoin remata ona Ezaminasaun Fiziku, ezaminador hatama rezultadu ezaminasaun ba Inspection Act. Depende ba rezultadu ezaminasaun, iha ne'eba iha opsan rua:
- Opsaun 1:** Karik ezaminasaun "conform" (la hetan diferensia ruma iha DAU no/ka sasan sira), funsionariu ezaminasaun:
- a) Hili kaixa **"conform"** Inspection Act iha AW;
 - b) Marka maizumenus padraun kontrolu 4 ne'ebe halo ona;
 - c) Diriji fali DAU ba **Verde** no avalia DAU.
 - d) Sistema AW haruka mensajen automatizada ba TPSA atu hasai kontentor husi area Inspecsaun no tula fali ba area ba area fatin rai sasan nian;
- Opsaun 2:** Karik ezaminasaun "non-conform" (e.z. iha diferensia entre sasan sira & DAU), funsionariu ezaminasaun:
- a) Hili kaixa **"non-conform"** iha AW Inspection Act,
 - b) Marka razaun non-conform husi erru numeriku/violasaun kodigu no kodigu Asaun iha Inspection Act;
 - a) Aumenta informasaun adisional iha kaixa hodi esplika tanba sa DAU **"non-conform"**.

- b) Karik DAU non-conform involve aplikasaun penalidade, ezaminador hakerek nota ida iha AW Inspection Act atu aplika penalidade
- c) Sei diriji fali DAU ba “Query” iha AW no sei haruka mensajen automatizada ba TPSA atu lori fila kontentor ba area fatin rai sasan nian. Estatutu DAU altera ba “Query” wainhira halo prosesu penalidade.
- d) Mensajen AW automatizada haruka ba ekipa Jestaun Risku atu notifika sira katak DAU “Non-Conform” no diriji fali ba “Query” atu hahu prosesu penalidade no investigasaun;
- e) Ekipa Inspesaun sei prepara relatoriu ida ba MDO subliña iregularidade identifikadu durante inspesaun (laos iha sistema AW);
- f) DOM sei hasai despasu relatoriu ba DNJR atu nune’e bele halo investigasaun no prepara nota badak ida ba Komisariu atu aprova;
- g) Wainhira nota badak hetan aprovasaun, sei haruka ba DNJKA ba asaun final no aplika penalidade;
- h) Sei diriji fali DAU ba “Query” husi funsionariu ezaminaun fiziku hodi nota atu aplika penalidade, funsionariu ezaminaun dokumentariu tenki, ba dala uluk rezolve erru ruma ho importador ne’ebe identifika ona husi funsionariu ezaminaun fiziku iha sira nia relatoriu no asegura katak penalidade (karik iha) konfirma no notifika ona ba broker/deklarante atu halo pagamentu. Tuir mai, funsionariu ezaminaun dokumentariu deirji fali DAU ba liña Verde;
- i) **Avalia** DAU, AW automatikamente fo sai **AW Assessment Notice** and no haruka kopia PDF Assessment Notice (AN) ba broker/ deklarante atu selu impostu no taxa. Iha tempu hanesan, broker/deklarante simu estatutu mensajen AW “Avalia”.
- j) Bazea ba avaliasaun, AW automatikamente fo sai **AW Assessment Notice** and no haruka kopia PDF Assessment Notice (AN) ba broker/ deklarante atu selu impostu no taxa iha Banku ne’ebe autoriza ona (BNU ka BNCTL). AW haruka email automatizada ba broker/deklarante indika katak estatutu DAU altera ona ba “Avalia”.

HARÉ IHA FAZE 4 – (PAGAMENTU IMPOSTU/TAXA IHA BANKU NE’EBE AUTORIZA ONA)

Tarefa Faze Kritiku	Sé mak involve	Impaktu
1. Halo Ezaminaun Fiziku DAU Liña MEAN	- Prosesu elektróniku AW - Funsionariu Ezaminaun Fiziku alokadu Liña Mean Portu Baia Tibar	Estatutu mensajen AW ba broker/deklarante

2. Inspection Act – <u>Conform</u> – Diriji fali DAU ba liña Verde	• Prosesu eletroniku AW • Funsionariu Ezaminasaun Fiziku alokadu Liña Mean Portu Baia Tibar	• Identifikadu Konformidade (“Conform”) • Fo sai Nr. Assessment • Estatutu mensajen AW ba broker/deklarante: “Avalia”
3. Inspection Act – <u>Not Conform</u> – Diriji fali ba “QUERY” iha AW	• Prosesu eletronika AW • Funsionariu CREP alokadu ba liña Mean • Broker/deklarante	• Identifikadu Non-konformidade (“Not Conform”) • AW haruka mensajen ba funsionariu CREP alokadu ba Liña Mean

FAZE 4: PAGAMENTU IMPOSTU NO TAXA IHA BANKU NE’EBE AUTORIZA ONA

Broker/deklarante mak responsavel atu selu impostu no taxa ne’ebe nia simu iha DAU maximu durante loron lima (5) hahu husi data Assessment Notice (AN). Sira bele halo sira nia pagamentu, bele liu husi *cash* ka tranfere eletroniku husi sira nia konta bankaria ne’ebe sira rai iha:

- Banco Nacional Ultramarino (BNU) lokaliza iha Dalan José Maria Marques, Díli; ka
- Banco Nacional de Comercio Timor Leste (BNCTL) lokaliza iha 201 Av. Nicolau Lobato, Mandarin, Dili.

Nota: Iha opsaun ida atu selu impostu no taxa iha postu terminal uza Kartaun Banku BNU ka Kartaun Viza Internacional.

Iha faze prinsipal rua atu halo pagamentu, ne’ebe deskreve iha a) no b) iha okos:

a) Pagamentu iha Edifisiu Banku ne’ebe Autoriza ona (BNU ka BNCTL)

1. Broker/deklarante apresenta kopia 2 husi Assessment Notice (AN) AW ba kaixa/cashier Banku hamutuk ho total montante osan ba impostu no taxa indikadu iha A.N;
2. Kaixa/Cashier BNU verifica montante husi tenderizasaun ho montante iha AN no simu pagamentu;
3. Kaixa/Cashier BNU submete detallu husi pagamentu iha sistema Banku, fo sai imprime 2, karimbu no asina fatura Banku, no fo ba broker/deklarante.

b) Submete Pagamentu iha AW iha Alfândega nia kaixa/cashier iha Edifisiu Jeral Alfândega

4. Broker/deklarante apresenta ba Kaixa/cashier Alfândega Fatura pagamentu Banku nian ne’ebe asina ona no tau ona karimbu;
5. Kaixa/Chasier Alfândega submete pagamentu husi fatura banku ba AW. Ida ne’e sei fo kauza ba estatutu DAU atu altera “Paid” no mensajen eletroniku sei haruka ba broker/deklarante atu konfirma estatutu ida ne’e;

6. Ba kargo jeral, sistema AW automatikamente fo sai **"Release Order"** no mensajen automatizada sei haruka ba sistema TPSA notifika katak sasan **"sai ona"**;
7. Ba kareta/vaskolante/bis/motorizada, sistema AW sei fo sai release order ba sasan hirak ne'e to'o DNTT rejistu xapa matrikula husi veikulu ba iha sistema AW no valida. Ida ne'e sei ativa atu fo sai Release Order. Mensajen automatizada sei haruka ba sistema TPSA hodi notifika katak sasan sira **"Sai Ona"**;

HARÉ IHA FAZE 5 (PROSEDIMENTU GATE OUT NO VALIDASAUN)

Tarefa Faze Kritiku	Sé mak Involve	Impaktu
1. Pagamentu impostu no taxa iha banku ne'ebe autoriza ona	• Kaixa/chasier banku BNU ka BNCTL • Sistema banku elektroniku • Broker/deklarante	• Kollesaun Reseitas Governu • Fo sai fatura pagamentu iha banku
2. Submete iha AW pagamentu impostu/taxa ne'ebe selu ona iha banku ne'ebe autoriza ona. 3. Submete data registrasaun veikulu no valida iha AW	• Prosesu elektronika AW • Kaixa/cashier Alfândega • Broker/ deklarante • DNTT	• Rejistu pagamentu iha dokumentu DAU AW • Estatutu mensajen AW "Selu ona" ba broker/deklarante • Fo sai fatura pagamentu AW • "Release Order" automatikamente fo sai iha sistema AW no haruka ba TPSA

FAZE 5. PROSEDIMENTU GATE OUT NO VALIDASAUN

Faze ida ne'e akontese wainhira deklarante/broker prontu atu kolekta sasan sira husi area fatin rai sasan iha Portu Baia Tibar.

Iha Portu Baia Tibar, Autoridade Portu sei fo sai billeti **"Gate Out"** bazea ba pagamentu kustu demorasaun no kustu portu nian seluk ne'ebe akontese durante prosesu liberaasaun. Billeti **"Gate out"** tenki **"valida"** iha sistema TPSA iha tempu ne'ebe hasai kontentor fizikamente husi **"Gate Out Portu Baia Tibar"**. Wainhira hasai kontentor husi Gate Out, sistema TPSA Portu nian automatikamente haruka mensajen ba sistema AW no fo sai Exit Note ne'ebe atu taka prosesu DAU iha sistema.


1. Broker/deklarante kontinua ba servisu atendimentu TPSA ba pagamentu demorasaun no kustu portu nian;
2. Servisu atendimentu TPSA konfirma fatura ba **"Release Order"** husi sistema AW iha sistema TPSA;
3. Ajente TPSA agent kompleta registrasaun transporte/kondutor/kompania iha sistema TPSA hasoru numeru kontentor ne'ebe kollekta husi area fatin rai sasan no fo sai **Gate Pass** husi TPSA;


4. Veikulu transporte tama iha liña Gate IN ne'ebe sei kontrola husi Operador Portaun ne'ebe konfirma estatutu kontentor iha sistema TPSA no notifika kondutor kona-ba lokalizasaun atu halo koleksaun ba kontentor;
5. Veikulu transportasaun sei ba iha fatin alokadu no sei tula kontentor;
6. Veikulu transportasaun kontinua ba GATE OUT ho kontentor no ajente TPSA verifika sistema kona-ba estatutu kontentor no kompleta prosesu liberaasaun ba kontentor;
7. Ajente TPSA rejistu movimentu no liberaasaun kontentor iha sistema TPSA ne'ebe haruka mensajen "real time" ba sistema AW Alfândega ne'ebe fo sai "Exit Note" no taka prosesu DAU iha AW;
8. Veikulu transportasaun husik Portu Baia Tibar ho kontentor atu halo fornimentu ba deklarante.

Tarefa Faze Kritiku	Sé mak involve	Impaktu
1. Husi pedidu Broker/deklarante, Portu Baia Tibar fo sai TPSA Gate Pass	• Broker/deklarante • Funzionariu Autoridade Portu (Portu Baia Tibar) • Prosesu eletróniku TPSA	• TPSA fo sai Gate Pass
2. Apresenta Kargo iha Gate Out atu valida no sai husi terminal. 3. Mensajen automatizada haruka husi TPSA ba AW atu fo sai Exit Note	• Autoridade Portu (Portu Baia Tibar) • Prosesu eletrónika AW,	• AW fo sai Exit Note, estatutu DAU altera ba "Hasai" • Estatutu mensajen AW "Hasai" haruka ba broker/deklarante

PROSESU ALFÂNDEGA REMATA

14. PROSESU FLUXUGRAMA






Prosesu Liberasaun Lina Mean Portu Baia Tibar - 23 Sept 2022

AA - Ekipa Wzaminaun Fiziku

AA - CREP

Deklarante/Broker



15. APROVASAUN HUSI KOMISARIU, DIRETIVA NO DIZEMINASAUN

Bazea ba 9(1c) Dekretu Lei 2/2020 ne'ebe permiti Komisariu atu: *"aprova regra administrativu no/ka instrusaun sira ne'ebe nesesariu ba operasaun Autoridade Aduaneiru, inklui aplikasaun lejislasaun Alfândega"*, ho ida ne'e ha'u:

- a) **Aprova** Padraun Prosedimentu Operasional (PPO) ida ne'e ne'ebe koñese hanesan, "PPO – Prosesu Liberasaun Simplifikadu iha Portu Baia Tibar – 2022";
- b) **Direta** katak PPO ida ne'e komunika ba AA relevante hot-hotu, no ba funsionariu AA atu implementa, aplika no kumpri parte hot-hotu husi PPO ida ne'e hanesan deskreve ona; no
- c) **Direta** katak PPO ida ne'e sei hahu vigor iha loron hafoin asina iha data ne'ebe iha okos.
- d) **Direta** katak PPO ida ne'e sei substitui PPO anterior hot-hotu ba Prosedimentu Liberasaun (especialmente PPO #19 aprova iha 26 Maiu 2021 no PPO #116 aprova iha 19 Agustu 2022)

Asina iha loron 2022

Jose Antonio Fatima Abilio

Komisariu
Autoridade Aduaneiru
Timor-Leste

(karimbu ofisial Alfândega)

16. REJISTU ALTERASAUN PPO

Data Aprovasaun	Numeru Versaun	Naran Dezenvolvedor	Naran Revizor

ANEXU 1

ASYCUDAWorld Automated Selectivity of Containers for Inspection at Tibar Bay Port	
Two to Twenty (2-20)	2
Twenty-One to Forty (21-40)	3
Forty One to Sixty (41-60)	4
Sixty One to Eighty (61-80)	5
Eighty One and above (81 +)	6
ASYCUDAWorld Automatiza Seletividade Kontentor ba Inspensaun iha Portu Baia Tibar	
Rua to'o Rua Nulu(2-20)	2
Rua Nulu to'o Hat Nulu (21-40)	3
Hat Nulu to'o Neen Nulu (41-60)	4
Neen Nulu to'o Walu Nulu (61-80)	5
Walu Nulu no Walu Nulu Liu (81 +)	6